

Achste boerebroelof in Pej

Väör de achste kieër organiseertj de fanfaar in Pej de groate Boerebroelof, op zöndig Halfvasten. Dit jaor zullen Margriet van Tielke en Gielke van Teun van Liepke en Gielke van Dönk en Pierre van Frense van Jan van 't Kempke in de ön-ech waere verbönje. Nelis fungeertj natuurlik weer es amtenieër van de börgerlike standj. Henk Maessen zal dees ludieke plechtigheid aanein kalle es ceremoniemeister.

De broedsstoet

Van te väöre zeen Broed en Broedegom in ein prachtige broedsstoet van hoes aufgehaoldj.

Dees stoet stèltj zich op bie kafee 't Slekkerhoes'. Veer koetse zulle in de stoet mitgaon. Kaetelkepelle, trömmelkorpse, familie en anger gast zulle 't broedspaar vergezelle. En dit jaor zal d'r auch weer eine paardetrem mittrèkke.

Kamersjete

't Fieës weurdj op traditionele meeneer ingesjaote mit 't kamersjete. Dit zal plaats vènje bie het voetbalterrein van de Slekker Boys.

De on-ech verbentenis

Om ± 4 oer zal in 't Gemèndjehoes Biej Aolders de groate plechtigheid plaats vènje.

Ieës weurdj 't paar van 't väörig jaor öntbönje. Auch weurdj door de veldwachter nog effe öngerzòch, of t'r nog bezwaore zeen taeg dees verbentenis.

De resepsie

Den volgt ein önvergaetelike resepsie.

Väöl luuj zachte 't väörig jaor; 'Waat boerebroelof betreft: Nao Venlo kömptj Pej'.

Laot uch get leuks invalle väör dees resepsie. Alle laevesmiddele waere direk aangesneje en önger de gaste verdeildj. Smakelik!

Tönteldj uch get aan oet grootmorderstied en kömptj nao dees fantasiese resepsie.

Broelofsfiëes

Ein gezellig broesendj broelofsfiëes zal nao de resepsie losbarste zoa wie det allein in Pej mäögelik is. Margriet en Pierre zulle dit fiëes natuurlik öpene mit de Broelofsdans.

De roete

De roete van de Broedsstoet is es volgt: Hoagstraot, Diekveldstraot, Rutsekoovenstraot, Mertsingel, Hoagstraot, Slekkerstraot, Dörpstraot, Pastoar Cramerstraot, Sjoalstraot, Kirkstraot, Houtstraot töt 'Biej Aolders'.

Weer wölle de luuj langs de roete vraoge de vlag oet te staeke.

Het programma

13.45 oer: Verzamele van alle deilnummers aan de stoet bie kaffee 't Slekkerhoes.

14.45 oer: De broedsstoet geit op waeg. Afhaole van de broed en broedegom.

15.45 oer: Aankomst bie 't 'Gemèndjehoes' zaal Biej Aolders.

16.00 oer: De plechtige ön-ech verbentenis.

17.00 oer: Getgebreidje resepsie.

19.00 oer: Broesendj Broelofsfeest.







Cor, Jo, Piet, Lei, Josje en Thei

Comité van de Boerebroelof in Pej:

Weer, Boerebroelof-familie 1996 van de Slek

***wòlle uch bedanke
vãör det ònvergaetelik
broesendj broelofsfiëës op
zondig Halfvasten***

***Margriet en Pierre
Betsie en Hermanus
Tilke en Frans
Yvonne en Ger
en de tweek broedskènjer
Loes en Noami***